

**Talamdan sa
Mga Mensahe alang sa Full-time Training
sa Fall Term sa 2023**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNANG CORINTO**

Mensahe 15

**Ang Labing Maayong Paagi ug ang Labaw Kaayong Gasa
alang sa Pagtukod sa Lawas ni Cristo**

Basahong Kasulatan: 1 Cor. 12:31—13:8; 14:1, 3-5, 12; 1 Juan 4:8, 16, 19-21

- I. Gipadayag sa 1 Corinto 12:31—13:8 nga ang gugma maoy labing maayong paagi nga mahimo tang bisan unsa ug makabuhat sa bisan unsa alang sa pagtukod sa Lawas ni Cristo:**
- A. Ang gugma sa Dios mao ang Dios mismo; ang gugma mao ang sulodnong pagkamao sa Dios ug ang kasingkasing sa Dios—1 Juan 4:16.
 - B. Ang Dios gugma; nahigugma ta kay Siya may unang nahigugma nato—vv. 8, 19.
 - C. Ang pagtudlong daan sa Dios kanato ngadto sa diosnong pagkaanak dinasig man sa diosnong gugma—Efe. 1:4-5.
 - D. Unang nahigugma ang Dios kanato kay gipatuhopan man ta Niya sa Iyang gugma ug gipahimugso sa sulod nato ang gugmang gihigugma nato Niya ug sa mga igsoon—1 Juan 4:19-21.
 - E. Gibubo na ang gugma sa Dios sa atong kasingkasing—Rom. 5:5:
 - 1. Ingon nga mga magtutuo, sa kahiladman sa atong kasingkasing naa tay nabatonan nga iya sa diosnong pagkamao, ug kini ang Dios Amahan diha sa Iyang gugma—v. 5.
 - 2. Sa pagsinati ug pagpahimulos nato sa Dios nga Amahan diha sa Iyang gugma, masinati ug mapahimuslan nato ang pagpaambit sa gugma nga kinaiya sa pagkamao sa Dios nganha sa atong kasingkasing.
 - F. Kinabuhi sa gugma ang kinabuhing nadawat nato gikan sa Dios; nagkinabuhi si Cristo ning kalibotana sa kinabuhi sa Dios ingon nga gugma, ug kinabuhi nato Siya karon aron magkinabuhi ta sa samang kinabuhi sa gugma ning kalibotana ug masama Niya—1 Juan 3:14; 5:1; 4:17.
 - G. Mga tawo gyod unta ta nga gibahaan ug gianod sa gugma ni Cristo; sama gyod unta sa nibul-og nga daghang tubig nganhi nato kanang diosnong gugma, nga mopugos nato nga mabuhi ngadto Niya nga dili nato mapugngan—2 Cor. 5:14.
 - H. Kaliwat ta sa Dios kay gipanganak man ta Niya aron makabaton sa Iyang kinabuhi ug kinaiya—Juan 3:5-7:
 - 1. Gipanganak ta pag-usab aron mahimong kaliwat sa Dios, matang sa Dios, ug gugma ang Dios—vv. 3, 5; 1 Juan 4:16.
 - 2. Kay nahimo na man tang Dios diha sa Iyang kinabuhi ug kinaiya pinaagi sa pag-anak pag-usab, gugma sab ta; nagpasabot kini nga dili lang kay nahigugma ta sa uban kondili gugma mismo gyod ta—Juan 1:12-13; 13:34.
 - 3. Ingon nga kaliwat sa Dios, gugma ta kay gugma man ang Dios—1 Juan 4:8.

- I. Gisultian ta sa 1 Juan 4 sa sekreto nga makabarog ta nga may kaisog atubangan sa hukmanan ni Cristo—magpabilin diha sa gugma—vv. 17-18; 2 Cor. 5:10, 14:
 1. Ang pagpabilin diha sa gugma pagkinabuhi man nga nagbatasan sa paghigugma sa uban pinaagi sa gugma nga mao ang Dios mismo, aron mapadayag Siya dinhi nato—1 Juan 4:16.
 2. Ang hingpit nga gugma mao ang gugmang nahingpit na diha nato tungod sa paghigugma nato sa uban pinaagi sa gugma Dios; naghiklin sa kahadlok kanang gugmaha ug walay kahadlok nga masilotan sa Ginoo inigbalik Niya—vv. 17-18; itandi sa Luc. 12:46-47.

II. Ang pagpropesiya mao ang labaw kaayong gasa alang sa pagtukod sa iglesia, nga Lawas ni Cristo—1 Cor. 14:1, 3-5, 12, 24-26, 31-32, 37, 39:

- A. Ang kahulogan sa pagpropesiya sa 1 Corinto 14 dili pagtagna sa mahitabo sa umalabot, kondili pagpamulong alang sa Ginoo, pagpamulong og Ginoo, aron ikapaambit si Cristo sa mga tawo—vv. 1, 12, 39a.
- B. Tinguha sa Dios nga mopropesiya ang tanang balaan Niya—Num. 11:29; 1 Cor. 14:31:
 1. Dunay katakos, kahimoan, nga mopropesiya ang tanang magtutuo—vv. 31, 24.
 2. Ang katakos sa pagpropesiya naa sa diosnong kinabuhi, nga nabatonan ug napahimuslan sa mga magtutuo ug kinahanglang motubo sa sulod nila aron maugmad kining katakosa ug mahimong kahimoan nila—Col. 2:19; itandi 2 Tim. 4:5.
 3. Ang kaakohan nga mopropesiya mao ang pagtuman sa espirituhanong pag-alagad nato, nga utang nato sa kaluwasan sa Dios—Rom. 1:14-15.
- C. Ang pagpropesiya mao ang labaw kaayong gasa sa tanang gasa, nga maghimo sa mga nagtinguha niini nga labaw kaayo—1 Cor. 14:12:
 1. Labaw kaayo ang pagpropesiya sa pagpadayag sa kasingkasing sa Dios, kabubut-on sa Dios, paagi sa Dios, ug pamatigayon sa Dios ngadto sa Iyang katawhan—itandi sa 12:8.
 2. Labaw kaayo ang pagpropesiya sa pagpamatuod nga sad-an ang mga tawo, pagbutyag sa tinuod nga kahintang sa mga tawo, ug pagpakita sa espirituhanong panginahanglan nila.
 3. Labaw kaayo ang pagpropesiya sa pagpamulong og Cristo aron ipangalagad ug ipaambit Siya sa mga tawo aron matil-ogan sila.
 4. Labaw kaayo ang pagpropesiya sa organicong pagtukod sa iglesia aron matukod kini isip organismo sa nahikay ug nahingpit nga Tulo-usang Dios alang sa Iyang kahupnganan, Iyang pagpadayag.
- D. Mamulong gyod ta uban sa tulo ka elementong nag-umol sa pagpropesiya:
 1. Naa gyod tay kahibalo sa Pulong sa Dios—ang tawhanong elemento sa pagkat-on—2 Tim. 3:16-17; Ezeq. 3:1-4.
 2. Naa gyod tay diha-dihang pagdasig sa Espiritu Santo—ang diosnong elemento sa pagdasig—1 Cor. 14:32, 37a; 1 Juan 1:6-7; Rom. 8:4.
 3. Naa gyod tay panan-awon kalabot sa tinguha ug pamatigayon sa Dios, sa iglesia nga Lawas ni Cristo, sa mga iglesia lokal, sa kalibotan, sa tagsatagsa ka balan, ug bisan ngani sa atong kaugalingon—ang panan-awon pinaagi sa paghayag sa diosnong kahayag—Efe. 1:17; 1 Cor. 2:11-12.
 4. Ipamulong nato ang atong nakita gamit ang buhing mga pulong ning kinabuhia nga dinasig sa Espiritu Santo ug hinayagan Niya—Buh. 5:20.
 5. Alang sa pagtukod sa iglesia, ugmaron gyod nato ang batasan nga mamulong sa pulong sa Ginoo sa pagpapuyo nato sa Iyang pulong sa sulod nato sa madagayaon gyod—Col. 3:16; itandi sa 1 Tim. 6:20.